





ХАҢЫАТ  
1937 СЫЛТАН  
ТАХСАР

САХА РЕСПУБЛИКАТЫН НЬУРБА УЛУУҢУН ХАҢЫАТА

# НЬУРБА

12+



ТЭРИЙЭЭЧЧИЛЭР: СР Правительства, Ньурба улуунун "Ньурба" ("Огни Нюрбы") хаһыат редакцията" автономнай тэрлэтэ

— Олохтоох салайыныы —

## Дьокуускайга Ньурба улуунун биир дойдулаахтарын түмсүүтүн күннэрэ



Ахсынньыга Ньурба улуунун биир дойдулаахтарын түмсүүтүн күннэрэ буолан аастылар. Ахсынньы 27 к. М.К.Амосов аатынан ХИФУ үөрэх-лабораторнай куорпуһугар Ньурбаттан төрүттээх устудьуоннары кытта көрсүһүү тэрилинэ. Улуус баһылыга А.М. Иннокентьев, кини I-кы солбуйааччыта А.Я. Яковлев, СӨ военкомун солбуйааччыта, куоракка олорор ньурбалар уопастыбыннай түмсүүлэрин салайааччыта А.Ф.Саввинов, ХИФУ проректора М.П.Федоров, нэһиликтэр баһылыктара кытыннылар. Устудьуоннартан сүрүннээн "Баай Тиит" уопастыбаннай тэрлэтэ актыбыыстара кэлэн кытыннылар.

Устудьуоннар бэйэлэригэр сыһыаннаах, интэриэһиргиир боппуруостарын туруорустулар. "Баай Тиит" түмсүүгэ улуус уонна нэһиликтэр дыһалталарын өттүттэн устудьуоннары сүүмэрдээһингэ көмөлөһөр, сайынгы кэмгэ улууска устудьуоннар тутар этэрээттэрин үлэлэтэр, үөрэхтэрин бүтэрэн баран төрөөбүт нэһиликтэригэр, улуустарыгар кэллэллэригэр үлэ миэстэ тэҥ тахсарын туһунан ыйытыһылар киридилэр. Нэһиликтэр баһылыктара бэйэлэрин нэһиликтэриттэн устудьуоннар "Баай Тиит" уопастыбаннай тэрлэтэ үлэтигэр хайдах кытталарын интэриэһиргээтилэр. Хас бириднэ нэһиликтэр баһылыга инникитин бэйэлэрин выпускниктарын "Баай Тиит" уопастыбаннай тэрлэтэҕэ ыларга түмсүү бэрэссэдээтэлигэр көрдөһүү суруктаан ытарга сөбүлэстилэр. Нэһиликтэр баһылыктара нэһиликтэрин оҕолорун ким туохха (үөрэххэ, спорка у.д.а.) сы-



һыаннаабын, дьобурдаабын, төһө көхтөөбүн биллэлэрин бэлэтигэр. Түмүккэ улуус баһылыга А.М. Иннокентьев бэйэтин Махтал суругун 3 чулуу устудьуонна туттарда. Итини таһынан улуус Сүбэтин бэрэссэдээтэлэ С.И.Евсеев аагыттан 3 бастың устудьуонна эмиз Махтал сурук туттарылына.

Ахсынньы 29 к. СӨ Бырабыыталыстыбатын I №-дээх дьэтигэр "Ньурба улуунун стратегической сайдытын сүрүн хайысхалара" тиэмэҕэ "төгүрүк остуол" ытытылына. Манна Ил Түмэн бүддьүөккэ уонна нолуок бэлиитикэтигэр сис кэмитиэтин бэрэссэдээтэлэ Ю.М.Николаев, спорт министирэ Г.Р.Балакшин, Ил Түмэн дьоку-

тааттара В.М.Прокопьев уонна И.Д.Васильев, СӨ военкомун солбуйааччыта А.Ф. Саввинов, өр кэмгэ Ньурба оройуонугар уонна СӨ салалтатыгар үлэлэбит биир дойдулаахтарбыт кэлэн кытыннылар. Итини тэнгэ сүрүн ыңгырылаах ыалдьыттарынан улуус нэһиликтэрин баһылыктара уонна улуус тэрлэтэлэрин салайааччылары бооллулар. Улуус инники сайдытын бы-

лааннаһы туһунан киэн кэпсэтии табыста. Сүрүн дакылааты улуус баһылыгын эконимикэҕэ уонна үпкэ солбуйааччыта И.А. Васильев онордо. Биирдиилээн нэһиликтэр баһылыктара - В.Н.Семенов (Хорула), Н.С.Петрова (Бордон нэһилигэ), С.А. Корякин (Октябрьская нэһиликэ) эмиз иһитиннэри онордулар. СӨ Бырабыыталыстыбатын чилиэнэригэр уонна Ил Түмэн дьокутааттарыгар нэһиликтэр баһылыктарыттан уопсай сүбэнэн тыын суолталаах кыһалгаларынан ыйытыктар кириэн хоруйданнылар. Инникитин Ньурба улууна уонна Дьокуускайга олорор биир дойдулаахтарбыт улууспут сайдарын туһугар күөскэ үлэлиэххэ диин, биир сүрүн түмүк санаа этилиннэ.

Сүрүн тэрээһин эбэрдэ кэнсиэртээх, үңкүүлээх-битиилээх ахсынньы 29 к. Опера уонна балет тыйаатырыгар буолла. Улуус бары нэһиликтэриттэн 5 көрүң аһылык бириис быһытынан туруоруулан, кирии билэтигэринэн лотерея курдук оонньонно. Кэлбит ыалдьыттар улаханнык астыннылар. Ньурба улуунун биир дойдулаахтарын түмсүүтүн күннэрэ тыйаатыр иннинэҕэби Дьобуруулу бунуоссатыгар саллот ытытынан түмүктэннэ.

Геннадий АНТОНОВ.

— "Ньурба" хаһыат 80 сылыгар куонкурус —

### Монньобону, хаптаҕаһы тэлгэһэбиттэн хомуйабыт



Ийэм черемухата.

Улууспут хаһыата биллэрбит куонкуруһугар Экология сылын чэрчитинэн ийэбит сылаас-сымнаҕас илигинэн тутан-хабан, кырачаан үнүгэстэри ордон, бүөбүйдээн хаалларбыт уһаайбатын туһунан суруйуохпун баҕардым.

Биһиги ийэбит - герой-ийэ Николаева Матрена Яковлевна, Күндээдэ олохтооҕо, 1989 сыллааха Дьокуускай куораттан самолетунан "Хара кыталык" диэн садовой моонньобону уонна черемуха маһын аҕалан уһаайбабытыгар үүннэрбитэ. Биһигин черемуха маспыт уһаан дьэни куотта.

Ийэм итинник үүннэрбитэ наһаа үчүгэй. Биһигин биһиги, кини оҕолоро уонна сиэннэрэ, эбээбит уһаайбатыттан моонньобону, хаптаҕаһы ылбытыбыт. Черемухабыт саас наһаа кырасыабайдык сибэккилиир. Элбэх хара отонноһор, ону хомуйан, хатаран ис ыарытыгыгар туттабыт. Черемуханы, моонньобону Күндээдэ ыалларыгар түнгэтэн ыал бөҕө үүннэрэн турар. Онон Күндээдэбит көбөрөрүн туһугар, баҕалаах дьонго түгэһиппит ыраатта. Ньурбаҕа, Антоновкаҕа да бизэртэлэһиппит. Дьэ таһыттан моонньобон, хаптаҕас да хомуйар наһаа наадалаах.

Экология сылынан сиэммит Скрябина Стелла, Күндээдэ орто оскуолатын I кылаһын үөрэнээччитэ, экологической "Кэнчээри" бырайыакка бу тиэмэнэн кытыбыта. Дьингээхтик көбөрүрү үлэ ытаргытын туһунан кэпсээбитэ. Бу үлэбит хайҕамматаҕа хомолтолоох ...

РОМАНОВА  
Акулина Николаевна.

Автор хаартыскаҕа түһэриитэ.

## Олохтоох салайыныы Сэбиэтин Бүтүн Арасыйатааҕы сийиэһигэр

Ахсынньы 25 к. Москваҕа Бүтүн Арасыйатааҕы олохтоох салайыныы Сэбиэтин (ВСМС) VI сийиэһэ буолан ааста. Дойду 81 регионуттан 169 дэлэгээт тийэн кытынна. Ол иһигэр Саха сириттэн олохтоох салайыныы Саха сиринэҕэ Сэбиэтин бэрэссэдээтэлэ А.А.Саввинов салайааччылаах дэлэгээссийэ сырытта.

- Саха сириттэн бу сийиэскэ 7 буолан кытынныбыт: 3 дэлэгээт уонна 4 ыңгырылаах ыалдьыт, - диин кэпсиир улуус Сүбэтин бэрэссэдээтэлэ С.И.Евсеев. - Бүтүн Арасыйатааҕы олохтоох салайыныы Сэбиэтин үлэтэ-хамнаһа РФ Федерация Сэбиэтин иһинэн барар. ВСМС бэрэссэдээтэлинэн үлэлэбит Д.И.Азаров үлэтин отчуотун туруорда. Кини билигин РФ Бэрэсидьинин дыһалынан Самара уобалаһын губернаторун эбэһиннэһин толорооччунан аһаҕаһынан сибээстээн, кини онугар ВСМС бэрэссэдээтэлин э.т. үлэлээн кэлбит, РФ Федерация Сэбиэтин чилиэнэ О.В.Мельниченко талылына.

Инникитин туох үлэни-хамнаһы ытытаахпытын быһаарыстыбыт. Саха сирин дэлэгээссийэттэн салайааччыбыт Саввинов А.А. эмиз тыл эттэ. Сийиэскэ бу биир хонук иннинэ "Биир ньыгыл Арас-

сыыа" сийиэһигэр баартыа генеральной сэкирэтээринэн талылыбыт Турчак А.А. кэлэн кытынна, эбэрдэ тылын эттэ. Бүтүн Арасыйатааҕы олохтоох салайыныы Сэбиэтин VI сийиэһин кыттылаахтара В.В.Путин кандидатуратын РФ Бэрэсидьинин быыбарыгар өйүүргэ ыңгыры ылынныбыт.

Бу курдук улахан суолталаах тэрээһингэ сырыттыбыт. Сийиэс кэнниттэн аҕыйах хонон баран О.В.Мельниченко РФ Бэрэсидьинин Ыйаабынан РФ Госсветын састаабыгар киллэрилиннэ. Ити ВСМС дойду уопастыбаннай тэрлэтэлэрин ортолоругар улахан сабыдыаллаабын уонна ыйааһынаабын көрдөрөр.

Дьокуускай к. Думатын бэрэссэдээтэлэ, Саха сиринэҕэ олохтоох салайыныы уорганнарын Сэбиэтин салайааччыта А.А. Саввинов Уһук Илин федеральной укурукка ВСМС тэрлэтэтин сүрүннүүр бэрэссэдээтэлэ буолар. Инньэ гынан сийиэс чэрчитинэн Уһук Илинтэн кэлбит дэлэгээссийэлэри кытта көрсөн эмиз санаа атастабыт, Уһук Илин территориятыгар инники туох үлэлэр барыахтаахтарын торумнарын уонна көбүлээһиннэрин дьүүлэстибит.

Геннадий АНТОНОВ.



